

醫方類聚卷之一百七

霍亂門 一 附吐瀉 轉筋

目錄

論

千金方

霍亂

治中湯 桂枝湯 四順湯 四逆湯

通脉四逆湯 竹葉湯 甘草瀉心湯

小青龍湯 附子粳米湯 理中散 人

參湯 杜若圓 永不發丸

千金月令

抵聖備急丸

聖惠方

治霍亂諸方

木瓜散 高良薑散 丁香散 人參散

厚朴散 理中丸 虎掌丸 藜蘆散

治霍亂嘔吐不止諸方

訶梨勒散 人參散 桔梗散 厚朴散

治霍亂心腹痛諸方

附子散 人參散 肉苳菟散

治霍亂心腹脹滿諸方

桂心散 訶梨勒散 藿香散 吳茱萸

散 紫蘇丸 白荳蔻丸

治乾霍亂諸方

木香散

治霍亂欲死諸方

人參散 藿香散 附子散

治霍亂心煩諸方

人參散 蘆根散

治霍亂煩渴諸方

人參散 梔子散 石膏散

治霍亂乾嘔諸方

白朮散

治霍亂心腹築悸諸方

理中湯 草薺散 人參散

治霍亂後下痢諸方

人參散 黃連散 烏梅散 黃連丸

白茯苓丸 木瓜丸

治霍亂四逆諸方

附子散 人參散 吳茱萸散

治霍亂轉筋諸方

雞舌香散 高良薑散 草薺散

大全本草

十三因方

霍亂外因證治

理中湯

外因料簡

霍亂內因證治

七氣湯 胃氣丸 真珠散

不內外因證治

紅丸子 胡椒湯 訶子散

霍亂凡例

木瓜湯 茯苓澤瀉湯 木浸丹

衛生十全方

神巧萬全方

霍亂

香朴散 如神湯 紫蘇丸

是齋醫方

霍亂

回生散 大交泰丹

合瓊碎錄

治吐

易簡方

直指方

吐瀉證治

藿香正氣散 五苓散 良薑飲 除濕湯 治中湯 香薷散 鹽湯法 蘇合香圓 熨熨方 嚴氏濟生方

霍亂

薑附湯 通脈四逆湯 香薷飲 麥門冬湯 管見大全良方

訶子散

霍亂門二

得效方

霍亂

桂枝湯 理中湯 香蘇散 香薷散 除濕湯 七氣湯 胃氣圓 紅圓子 理中湯 木瓜湯 茯苓澤瀉湯 麥門冬湯 水浸丹 薑附湯 鹽湯 藿香正氣散 訶子散 加味薑附湯 養正

丹 胡椒湯 奇方 熏洗法 塩熨方  
澹軒方

霍亂

霍亂危證

急霍亂

尋常脚轉筋

霍亂脚轉筋

肘後方

治卒霍亂諸急方

厚朴湯 回陽散

澹寮方

霍亂

良姜香薷湯

丁衛生寶鑑

霍亂吐瀉

香薷散 增損縮脾飲 半夏湯

內傷霍亂治驗

桂苓白朮散 桂苓甘露飲 益原散

聖濟總錄

霍亂吐利

藿香湯 正胃湯 白朮湯 陳橘皮湯

大豆飲 菖蒲飲 香薷丸 人參湯

丁香散 訶梨勒丸 人參丸 正元湯

香薷飲 青金散 和氣煮散 丁香丸

乾薑湯

霍亂嘔吐不止

人參藿香湯 吳茱萸湯 香薷湯 正

氣丹 冰壺湯 高良薑湯 厚朴湯

乾薑湯 人參湯 香豉湯 芒消湯

四汁煎 雞子湯 理中丸 藿香散

訶梨勒丸 五味理中丸

霍亂四逆

茱萸湯 理中湯 附子湯 通脉四逆

湯 龍骨湯 桔梗湯 乾薑湯

霍亂欲死

人參湯 赤茯苓湯 阿魏丸 生薑散

雄雀糞散 吳茱萸湯

霍亂心腹痛

訶梨勒丸 理中元 桂心湯 當歸湯

溫中湯 薺苳飲 抵聖散 菖蒲汁

沉香丸 乾薑湯 厚朴湯 縮沙蜜散

良薑散

霍亂心腹築悸

理中去朮加桂湯 附子湯 附子湯

乾薑湯 平胃湯 茯苓湯

霍亂心腹脹

高良薑湯 金針丸 鱉甲丸 香薷湯

理中湯 白朮湯 檳榔湯 大腹湯

厚朴湯 吳茱萸湯 高良薑煮散 救

命散 半夏陽 木香散 桔梗散 厚

朴丸

乾霍亂

厚朴湯 人參湯 木香散 大黃丸

檳榔湯 陳橘皮湯 黍米飲 水蓼飲



活命飲 二勝散

中惡霍亂

十香丸 桃枝湯 丹砂丸 麝香散

麝醋 白朮湯 橘皮湯 木香散

霍亂煩渴

人參湯 卓豆蔻湯 香薷湯 麥門冬

湯 青竹茹湯 人參湯 糯米飲 梁

米飲 薑藕飲 肉豆蔻丸 藿香湯

木瓜湯 木瓜湯

霍亂心煩

麥門冬湯 亂髮湯 蘆根飲 橘皮湯

竹瀝飲 厚朴湯 香豉湯 梁米飲

白豆蔻丸

霍亂逆滿

蘇桂丸 芫胡湯 麥門冬湯 半夏湯

藿香散 麥門冬人參湯 半夏人參湯

豆蔻湯 紫蘇子丸 厚朴丸

霍亂乾嘔

木瓜湯 人參湯 吳茱萸湯 木香湯  
薤白湯 高良薑湯

霍亂嘔噦

四順湯 當歸湯 橘皮湯 半夏湯  
蘆根湯 枳實湯 糯米粉 生薑飲

霍亂下利

升麻湯 黃蘗皮湯 龍骨湯 白朮湯  
白茯苓丸 石榴湯 藜蘆丸 陳橘皮  
湯 訶梨勒丸 伏竜肝湯 止血湯

香豉湯 赤石脂湯

霍亂轉筋

胡椒湯 蜀椒湯 肉豆蔻湯 杜仲湯  
雞白湯 木瓜湯 厚朴湯 藿香子散  
桃人煎 附子湯 鹽搨方 裹足法  
神聖香薷飲

霍霍心下痞逆

半夏湯 伏苓湯 厚朴湯 木瓜丸  
半夏湯 吳茱萸湯 半夏橘皮湯 菖

蒲湯 小半夏湯

霍亂後煩躁卧不安

木香湯 麥門冬湯 枇杷葉飲 甘草

湯 橘皮湯 橘薑湯 豆蔻湯 竹葉

湯 梔子湯 梁米飲 薑茶散 木瓜

子 神應散 香薷飲 丁香白朮丸

王氏集驗方

霍亂

丁香散

醫方大成

霍亂

姜附湯 枇杷葉散 二香散 不換金

正氣散 既濟湯

南北經驗方

霍亂

藿香正氣散 加減理中湯 白朮散

袖珍方

霍亂

人參散 止渴散

經驗秘方

霍亂吐瀉

靈砂丹

經驗良方

霍亂轉筋

醫林方

施圓端效方

吐瀉霍亂

藿香玉液散

神效名方

山居四要

玉機微義

霍亂

四君子湯 建中湯 漿水散 姜附湯

通脈四逆湯 理中湯 茯苓澤瀉湯

五苓散 水浸丹 加味香薷飲 冷香

飲子 木瓜湯 胃氣丸 七氣湯 訶

類聚百七

十一

類聚百七

十一

子散 紅丸子

雜方

洗法 漬法 吐法

壽域神方

霍亂部

衛生易簡方

霍亂

金匱鈎玄

御醫撮要

高良薑理中丸 白豆蔻湯

備預百要方

霍亂轉筋方

餘藥無名者散見本方

食治

禁忌

鍼灸

導引

霍亂門

霍亂者由人溫涼不調陰陽清濁二氣有相  
干亂之時其亂在於腸胃之間者因遇飲食  
而變發則心腹絞痛其有先心痛者則先吐  
先腹痛者則先利心腹並痛者則吐利俱發  
挾風而實者身發熱頭痛體疼而復吐利虛  
者但吐利心腹刺痛而已亦有飲酒食肉腥

霍亂門

巢氏病源 霍亂病諸候

霍亂候

霍亂者由人溫涼不調陰陽清濁二氣有相  
干亂之時其亂在於腸胃之間者因遇飲食  
而變發則心腹絞痛其有先心痛者則先吐  
先腹痛者則先利心腹並痛者則吐利俱發  
挾風而實者身發熱頭痛體疼而復吐利虛  
者但吐利心腹刺痛而已亦有飲酒食肉腥

類聚百七  
七  
膾生冷過度因居處不節或露卧濕地或當  
風取涼而風冷之氣歸於三焦傳於脾胃脾  
胃得冷則不磨不磨則水穀不消化亦令清  
濁二氣相干脾胃虛弱便則吐利水穀不消  
則心腹脹滿皆成霍亂霍亂有三名一名胃  
反言其胃氣虛逆反吐飲食也二名霍亂言  
其病揮霍之間便致繚亂也三名走哺言其  
哺食變逆者也診其脉來代者霍亂又脉代  
而絕者亦霍亂也霍亂脉大可治微細不可

治霍亂吐下脉微遲氣息劣口不欲言者不  
可治

### 霍亂下利不止候

冷熱不調飲食不節使人陰陽清濁之氣相  
干而變亂於腸胃之間則成霍亂霍亂而下  
利不止首因腸胃俱冷而挾宿虛穀氣不消  
腸滑故洞下不止也利不止虛冷氣極冷入  
於筋則變轉筋其胃虛冷氣乘之亦變嘔噦

### 霍亂嘔噦候

冷熱不調飲食不節使人陰陽清濁之氣相干而變亂於腸胃之間則成霍亂霍亂而嘔噦者由吐利後胃虛而逆則嘔噦氣逆遇冷折之氣不通則噦

### 霍亂嘔而煩候

冷熱不調飲食不節使人陰陽清濁之氣相干而變亂於腸胃之間則成霍亂霍亂嘔而煩者由吐下後胃虛而氣逆故嘔也氣逆乘心故煩所以嘔而煩也

### 中惡霍亂候

冷熱不調飲食不節使人陰陽清濁之氣相干而變亂於腸胃之間則成霍亂而云中惡者謂鬼氣卒中於人也其狀卒然心腹絞痛而客邪內擊與飲食寒冷相搏故陰陽之氣亦相干亂腸胃虛則變吐利煩毒爲中惡霍亂也

### 霍亂諸病候

霍亂之病由冷熱不調飲食不節陰陽錯亂



清濁之氣相干在腸胃之間發則心腹絞痛  
吐利府藏虛弱或煩或渴或嘔噦或手足冷  
或本挾宿疹今因虛而發也

霍亂後諸病候

冷熱不調飲食不節使人陰陽清濁之氣相  
干而變亂於腸胃之間則成霍亂而霍亂之  
後榮衛未和調府藏尚虛冷或吐利不止嘔  
逆未定或宿疹乘虛而發更生諸病也

霍亂後煩躁卧不安候

冷熱不調飲食不節使人陰陽清濁之氣相  
干而變亂於腸胃之間則成霍亂霍亂之後  
而煩躁卧不安者由吐下之後府藏虛極陰  
陽未理血虛氣亂故血氣之行未復常度內  
乘於府藏故煩躁而不得安卧也

霍亂後不除候

冷熱不調飲食不節使人陰陽清濁之氣相  
干而變亂於腸胃之間則成霍亂霍亂之後  
而不除者由吐胃膈宿食不盡或不得吐而

但利其冷氣不散因而著食入胃胃氣未和故猶脹痛煩滿謂之不除也

轉筋候

轉筋者由榮衛氣虛風冷氣搏於筋故也手足之三陰三陽之筋皆起於手足指而並絡於身若血氣不足陰陽虛者風冷邪氣中於筋隨邪所中之筋筋則轉轉者謂其轉動也經云足太陽下血氣皆少則喜轉筋喜踵下痛者是血氣少則易虛虛而風冷乘之故也

診其左手關上肝脉也沉為陰陰實者肝實也若肉動轉筋左手尺中名神門以候脉足少陰經也浮為陽陽虛者病若轉筋

筋急候

凡筋中於風熱則弛縱中於風冷則攣急十二經筋皆起於手足指循絡於身也體虛弱若中風寒隨邪所中之筋則變急不可屈伸

結筋候

凡筋中於風熱則弛縱中於風冷則攣急十

二經之筋皆起於手足指而絡於身也體虛者風冷之氣中之冷氣停積故結聚謂之結筋也

千金方

霍亂

原霍亂之為病也皆因飲食非關鬼神夫飽食脆膾復食乳酪海陸百品無所不噉眠臥冷席多飲寒漿胃中諸食結而不消陰陽二氣擁而以戾陽氣欲升陰氣欲降陰陽乖隔

變成吐痢頭痛如破百節如解遍體諸筋皆為回轉論證雖小卒病之中最為可畏雖臨深履危不足以論之養生者宜達其旨趣庶可免於夭橫矣凡霍亂務在溫和將息若冷即遍體轉筋凡此病定一日不食為佳仍須三日少少喫粥三日已後可恣意食息七日勿雜食為佳所以養脾氣也大凡霍亂皆中食膾酪及飽食雜物過度不

能自裁夜卧失覆不善將息所致以此隕命者衆人生稟命以五臟爲主夫五臟者卽是五行內爲五行外爲五味五行五味更宜扶抑所以春夏秋冬逆調理之食啖不可過度比飲食於五臟相剋者爲病相生者無他經曰春不食辛夏無食鹹季夏無食酸秋無食苦冬無食甘此不必全不食但慎其太甚耳諺曰百病從口生蓋不虛也四時昏食不得太飽皆能生病從夏至秋分忌食肥濃然熱

月人自好冷食更與肥濃兼食果菜無節極遂逐冷眠卧冷水洗浴五味更相剋賊雖欲無病不可得也所以病苦人自作之非關運也書曰非天天人人中自絕命此之謂也凡諸霍亂忌與米飲胃中得米卽吐不止但與厚朴葛根飲若冬瓜葉飲但沾漬咽喉而不可多與若服湯時隨服吐者候吐定乃止診脉絕不通以桂合葛根爲飲吐下心煩肉熱汗不出不轉筋脉急數者可犀角合葛根

爲飲吐下不止發熱心煩欲飲水可少飲米粉汁爲佳若不止可與葛根薺芫飲服之  
問曰病有霍亂者何師曰嘔吐而利此爲霍亂問曰病者發熱頭痛身體疼惡寒而復吐利當屬何病師曰當爲霍亂霍亂吐利止而復發熱也傷寒其脉微澀本是霍亂今是傷寒却四五日至陰經上轉入陰必利本反下利者不可治也霍亂吐多者必轉筋不渴卽臍上築霍亂而臍上築者爲腎氣動當先治

其築治中湯主之去朮加桂心去朮者以木虛故也加桂者恐作貴狔也霍亂而臍上築吐多者若下多者霍亂而驚悸霍亂而渴霍亂而腹中痛嘔而吐利嘔而利欲得水者皆用治中湯主之

和劑指南

論霍亂吐瀉證

霍亂吐瀉有冷熱二證寒多不渴者可與理中圓薑附湯來復丹霍亂吐瀉有熱煩躁

而渴者可服香薷散五苓散嘉禾散參苓白  
朮散四君子湯 霍亂吐瀉後調理脾胃可  
與參苓白朮散嘉禾散五苓散四君子湯調  
氣散之類渴者與參苓白朮散止之多服尤  
佳

出冷汗手足軟者加金液丹二氣丹朝真丹  
未效者灸氣海若吐瀉定熱藥皆止只用溫  
藥理脾

三因方

### 霍亂敘論

夫霍亂之病爲卒病之最者以人起居無宅  
揮霍之間便至變亂悶絕不救甚爲可畏臨  
深履危不足以論有生之流不可不達其旨  
趣蓋其病因涉於內外不內外三種具備而  
讀傷寒論者見有本是霍亂今是傷寒之說  
便謂霍亂卽傷寒殊不知因傷寒致霍亂只  
是外因一證尔况風暑濕皆有此證殊不知  
喜怒哀思飲食飢飽皆能致霍亂之證故不

得不備論

霍亂諸證

霍亂者心腹卒痛嘔吐下利增寒發熱頭痛  
眩暈先心痛則先吐先腹痛則先下心腹俱  
痛吐利並作甚則轉筋入腹則斃霍亂惡證  
無越於斯此蓋陰陽反戾清濁相干陽氣暴  
升陰氣頓墜陰陽痞隔上下奔逸扶救不先  
治之唯宜溫煖更詳別三因隨內外以調之  
不尔則坐視困踣也

直指方 霍亂吐瀉

吐瀉方論

乾上坤下其卦爲否陽隔陰而不降陰無陽  
而不升此否之所以痞而不通也人具此陰  
陽揮霍變亂結搏於中卒然吐瀉或瀉而不  
吐或吐而不瀉大抵心腹擾悶煩疼其視人  
如不交之否異乎否乎霍亂之證心腹卒痛  
嘔吐下利發熱憎寒頭痛眩暈先心痛則先  
吐先腹痛則先瀉心腹俱痛則吐瀉俱作甚

則轉筋頹頓特反掌間蓋足陽明屬胃以養宗筋暴吐暴下津液驟亡宗筋失其所養故攣急甚則舌卷縮囊危甚風燭矣然亦何以致此哉曰胃傷暑毒露臥卑濕當風取涼風冷邪氣入於腸胃加以嗜好肥腥飲啖生冷居處不節激而發焉於是邪正相干中脘節閉氣不得通吐利暴作所謂脾受賊邪木來勝土者此也治法霍香正氣散加霍香生薑爲上不惟可以溫散風邪抑亦可以調理吐

瀉其若傷暑所致未可遽投香需散沉冷之劑自合先治中脘如二陳湯橘皮半夏湯輩次則以香需溫服散暑解煩昧者指爲脾胃虛冷遽用人參白朮芫子肉豆蔻之屬以壯胃泄腸不思風冷未散輒以參朮芫蔻攔補寒邪邪氣得之愈盛愈作縱得淹延或下痢或久瀉或腹脹虛浮或中滿不食變證百出矣抑猶有說焉濕霍亂死者少乾霍亂死者多許仁則嘗有是言矣蓋調所傷之物因吐



利而出泄泄盡則止猶可幸免若土不得吐  
下不得利所傷之物擁閉正氣關隔陰陽燥  
擾喘脹其能生乎則知揮霍變亂如人被髮  
交爭必有以換之可也古方用來復丹正取  
疎利之意但多則太溫莫若薑湯下蘇感圓  
爲愈霍亂氣息劣不欲言者不治

又論

治嘔吐莫先於助胃既助胃而後嘔吐者中  
脘挾風寒也治喘嗽莫先於調肺既調肺而

復喘嗽者風寒在表或在裏也瀉痢之疾固  
腸斷下終不作效非腸胃間留蓄風寒邪氣  
之所致乎故必隨其感受解散於其先則某  
病某藥庶乎其對證矣解散風寒不換金正  
氣散爲上其間增益則青皮官桂良薑乾薑  
擇用最良若欲其清解則紫蘇荆芥乾葛柴  
胡等輩劑量可也惟暑亦然每每隱伏作病  
或爲熱嘔或爲焦煩或爲腹痛或泄痢不止  
暑中類多有之炎燥蘊隆念慮又當及此此

說雖詳于卷首敬用申之  
儒門事親

霍亂吐瀉死生如反掌說

巢氏先賢也固不常非然其說有誤者人命所係不可不辯也今之醫者家置本以爲繩墨嗚呼何今之人信巢氏而不信素問也此予不得不爲之說且巢氏論霍亂吐瀉皆由溫涼不調陰陽清濁二氣相干致腸胃之間變而爲霍亂寒氣客於脾則瀉寒氣客於胃

則吐亦由飲酒食肉腠膾生冷過度或因居處坐卧濕地當風取涼風之氣歸於三焦傳於脾胃脾胃得冷水穀不消皆成霍亂其名有三一曰胃反胃氣虛逆反吐飲食二曰霍亂言其病揮霍之間便致撩亂也三曰哺食變逆者也霍亂者脉必代又云七月間食密令人暴下霍亂此皆巢氏霍亂之論也予以爲不然夫醫之治病猶書生之命題如秋傷於濕冬生欬嗽是獨以濕爲主此書生之獨

脚題也風濕暘三氣合而成霍亂吐瀉轉筋  
此猶書生之鼎足題也風者風木也內應足  
厥陰肝木濕者雨化也內應於足太陰脾土  
暘者火熱也內應於手少陰心火此風濕暘  
三氣之所生也內經曰土氣之下木氣乘之  
是肝木乘脾土也又曰厥陰所至爲脇痛嘔  
泄少陽所至爲嘔涌注云食不下也太陰所  
至爲中滿霍亂吐下太陰所至爲濡化也注  
云濕化也又曰太陰所至爲濕土終爲注雨

故轉筋者風主肝肝主筋風急甚故轉筋也  
吐者暘也火主心心主炎上故嘔吐也泄注  
者土主濕濕主脾濕下注故泄注也此三者  
豈非風濕暘如書生鼎足題耶脾濕土氣爲  
風水所克土化不行矣亢無雨大盛過極土  
怒發焉極則爲雷霆驟雨烈風蓋土氣在上  
木氣乘之故也是以大水橫流山崩岸落石  
迸沙飛豈非大陰濕土怒發之象耶故人病  
心腹滿脹腸鳴而爲數使甚則心痛脇腹嘔

吐霍亂厥發則注下附腫身重啓玄子云已  
上病證皆脾熱所生也乃知巢氏所論正與  
素問啓玄子相違故內經治法病急則治其  
標緩則治其本先可用淡齊流其濕辛涼以  
退其風鹹苦以解其暍冰水以救其內涸大  
忌食粟米粥飲者立死偉哉王冰之言脾熱  
一句可以爲方世俗止知取其頭巾而濯之  
以飲其水亦取其黑豆皂礬頭垢寒涼然近  
似終不足以制其甚也又有以寒水沃其手

足者大非也四支已厥更以寒水沃之則益  
厥矣曷若以寒水沃其心之爲愈也泰和間  
余親見陳下廣濟禪院其主僧病霍亂一方  
士用附子壹枚及兩者乾薑壹兩炮水壹椀  
同煎放冷服之服訖嘔血而死頃合流鎮李  
彥甫中夜忽作吐瀉自取理中丸而服之醫  
者至以爲有食積以芭豆下之三五丸藥亦  
不動至明而死可不哀哉遂平李仲安携一  
僕一佃客至鄆城夜宿邵輔之書齋中是夜

僕逃仲安覺其時也騎馬與佃客往臨穎急  
追之時七月天大熱炎風如箭埃塵亘天至  
辰時而還會不及三時往返百二十里既不  
復其人復宿於邵氏齋忽夜間聞呻呼之聲  
但言救我不知其誰也執火尋之乃仲安之  
佃客也上吐下泄目上視而不下胃脇痛不  
可動搖口欠而脫曰四支厥冷此正風濕暘  
三者俱合之證也其婿曾聞余言乃取六一  
散以新汲水對生薑而調之頓服半升其人

復吐乃再調半升而令徐服之良久方息至  
明又飲數服遂能調養三日平復而去嗚呼  
若此三人其生死豈不如反掌哉彼世醫往  
往以謂六一散治得甚病此無學之輩也可  
勝恨哉  
治病百法  
霍亂吐瀉  
夫霍亂吐瀉不止者可用五苓散益元散各  
停冰水調下五七錢如無冰水可用新汲水

調下桂苓甘露散玉露散清涼飲子調下五  
七錢或香薷湯調下五七錢亦可如無已止  
諸藥可服地漿三五蒸亦可地漿者可於淨  
地掘壹井子用新汲水壹桶注於井子攪令  
渾候澄清連飲三五盞立愈大忌白米湯葛  
朮烏附種種燥熱之藥若服之則必死矣巢  
氏云霍者揮霍而成疾亂者陰陽亂也皆由  
陰陽清濁二氣相干故也

澹寮方

霍亂

霍亂之病源諸方備載茲不復繁錄其證之  
大槩則心腹卒痛嘔吐下利增寒壯熱頭痛  
眩暈先心痛者先吐先腹痛者先利心腹俱  
痛則吐利俱作吐甚則傷於足陽明胃經無  
以養宗筋筋自縮轉入腹則斃脉沉遲而氣  
少不語者亦斃揮霍變亂之亟無越於斯蓋  
陰陽反戾清濁相干陽氣暴升陰氣頓墜陰  
陽病鬲上下奔逸救之不可緩多宜以溫暖

之劑又方書每用一冷一熱之藥以分利陰陽也然伏暑而霍亂則又當以暑藥治之悉宜留心別辯

醫方大成

霍亂

霍亂之證多兼乎吐瀉皆由飲食不節或過食腠膾乳酪之物傷于五臟停積胃腕脾弱不能運化又爲風寒之氣所干陰陽隔絕轉霍變亂而成此證輕則上吐下瀉兩脚轉筋

甚者遍體轉筋腹肚疼痛手足厥冷若欲絕者倉卒之際宜於臍中灼艾及用藜壹把煎湯泡洗次投以姜附湯理中湯之類其脉洪大者易治脉微腎縮舌捲者難治又有霍亂而不吐瀉者止具袖珍方止類吐不吐類利不利頃刻之間便致悶絕當多灌熈湯引其必吐宿食殆尽然後以嚴氏加減理中湯治中湯欬欬調之既愈之後煩熱多渴者以麥門冬湯調之夏月中暑亦能令人霍亂吐瀉

臨証又當詳審

永類鈴方

### 雜病霍亂吐利

雜病霍亂吐利皆由飲食不節脾弱不運風寒所干陰陽膈絕而成甚則遍身轉筋腹痛四支厥冷欲絕宜用臍火陳蓼湯泡洗次投姜附理中湯然又當審天氣寒暑脉氣沉微洪盛許仁則云有乾霍亂者上不得吐下不得利所傷之物不得出泄壅閉正氣喘脹而

死有濕霍亂者止在胃中吐利而所傷之物得以出泄水谷泄盡方止故得不死又有似吐而不吐似利而不利頃刻間絕先多灌以稀湯使其吐盡宿食徐用藥調治之

脉 病證

治

脉代者

為霍亂

代而絕

風寒 審所因

暑濕 處用下

濟生加減理中湯藿香

正氣散除濕湯來復丹

夏月加減五苓散黃連

香需散二香散姜附木



亦霍亂

脉浮洪

可治微

遲氣小

不語不

治

附二湯乾霍亂仁齋姜  
搯飲又皂角末吹一豆  
大入鼻中得嚏差

七氣鬱

濟生理中湯

三因七

氣中結陰陽

氣湯 理中和小烏

不和

沉湯姜搯煎或調

千金用北艾煎頓服

或服蓼湯

飲冷眠涼

筋轉

理中湯治中湯姜搯煎

煩悶痛入

仁齋木瓜湯姜搯飲利

腹及過食

不止手足厥濟生姜附

生冷劉河

湯加減或白凡末兼鹹

問云凡轉

酸梅煮灌吐宿食熱酒

筋熱氣舉

調百草霜服已死腹尚

瘕轉動也

煖搯納臍中灸二七壯

陽也

化灸內外踝上內筋急

灸內外筋急灸外連心

施圓端效方

吐瀉霍亂

朱氏云吐瀉者由陰陽不順清濁相干氣射中焦煩燥悶亂諸食結而不消正氣壅而不返陰氣欲升陽氣欲降陰陽交錯變成吐利心腹痞痛吐利俱發輕者嘔吐下利甚者揮霍撩亂故曰霍亂內經曰微則逆之甚則從之明知逆順正行無問此之謂也

玉機微義 霍亂

內經敘霍亂所因

經曰歲土不及風乃大行云云民病飧泄霍

亂體重腹痛筋骨繇併

按此言土運不及木乃太過木乘土而為

病宜詳玩本文

論霍亂脉證

內經曰脉伏者霍亂傷寒論曰病嘔吐而利名曰霍亂或發熱頭

痛身疼惡寒吐利或自吐下又利止復更發熱也皆是霍亂證傷寒其脉微澁者本是霍亂今是傷寒却四五日至陰經上轉入陰必利本嘔下利者不可治也

保命集云傷寒霍亂轉筋身熱脉長陽明本病也脾胃受濕熱中焦氣滯或因冷飲或傷冷水或感濕氣冷熱不調水火相干陰陽相搏上下相離榮衛不能相維故轉筋攣痛經絡乱行暴熱吐瀉中焦胃氣所主也

謹按傷寒傳變爲霍亂者殊少惟夏秋之間暄熱人腠理疎感風濕暍之氣而生此證多有陰陽虛實不同脉來浮洪者可治微而遲氣少不語者爲難治

論霍亂分三因

陳無擇曰霍亂者心腹卒痛嘔吐下利增寒壯熱頭痛眩暈先心痛則先吐先腹痛則先利心腹俱痛吐利並作甚則轉筋入腹則斃霍亂惡證無越於斯蓋陰陽反戾清濁相干

陽氣暴升陰氣頓墜陰陽痞膈上下奔逸治之唯宜溫暖更詳別三因以調之外因諸風則惡風有汗傷寒則惡寒無汗胃濕則重著傷暑則熱煩內因九氣所致鬱聚痰涎飲痞嘔不通遂致滿悶隨其勝復必作吐利或諸飽食膾炙恣殮乳酪水脯寒漿旨酒胃既膈脹脾藏停凝必內鬱發遂成吐利當從不內外因也

按此具霍亂三因稍備但立方未能以盡

其變學者自宜推格

論霍亂轉筋

陳氏曰轉筋者以陽明養宗筋屬胃與大腸今暴吐下津液頓亡外感四氣內積七情飲食甜膩攻閉諸脉枯削於筋宗筋失養必致攣縮甚則卵縮舌卷爲難治

按此言霍亂者多轉筋太抵冷熱不調陰陽相搏故轉筋攣痛甚者遍體轉筋此實陰陽之氣反戾風寒乘之筋失氣血所榮

而為攣縮急痛也

### 論乾霍亂

陳氏曰乾霍亂者忽然心腹脹滿絞刺疼痛  
蠱毒煩冤欲吐不吐欲利不利狀若神靈所  
附頃刻之間便致悶絕亦涉三因或藏虛或  
腸胃素厚故吐利不行

按此謂人腸胃素厚形氣實者故感四氣  
則吐利不行而乾揮霍撩亂也大抵熱勝  
痰鬱則悶亂濕勝飲鬱則吐下形氣虛者

禍不旋踵嚴氏謂胃中諸食結而不消陰  
陽二氣擁而反戾揮霍之間變成吐利然  
飲食致者亦有有餘不足如飲食自倍外  
感濕暍而乾霍亂者宜吐之或下之過傷  
者宜消導之痰者劫之寒者溫之熱者清  
之要在適事為故也

### 論霍亂煩渴

陳氏曰煩渴者以陰陽反戾清濁相干水與  
穀併小便秘澁既走津液腎必枯燥引水自

救煩渴必矣

按吐利必渴况腎水竭者乎與水者唯宜  
溫煖熱甚者天水輩以甘緩火也

### 霍亂治例

保命集云霍亂陽明證宜和中平胃建中輩  
或四君子湯脉浮自汗四君子加桂主之脉  
浮無汗四君子加麻黃吐利轉筋脇下痛脉  
弦者木剋土也故痛甚平胃加木瓜五錢或  
建中加柴胡木瓜 吐利轉筋腹中痛體重

脉沉而細者四君子加白芍良姜 吐利四  
支拘急脉沉而遲此少陰霍亂四君子加姜  
附厚朴吐利四肢厥冷脉微緩屬厥陰建中  
加歸附吐利頭痛而身熱熱多欲飲水者五  
苓寒多不用水者理中丸主之  
尤戍云太陰證霍亂者理中加橘紅名治中  
湯 若吐下必腹作痛手足逆冷理中去白  
朮加熟附名四順湯 若吐利後轉筋者理  
中加火煨石膏一兩

千金方

霍亂

治中湯治霍亂吐下脹滿食不消化心腹痛

人參 乾薑 白朮 炙甘草 各三兩

在四味咬咀以水八升煮取三升分三服  
不瘥頻服三劑遠行防霍亂依前作丸如  
梧子大服三十九如作散服方寸匕酒服  
亦得若轉筋者加石膏三兩仲景云若臍

上築者腎氣動也去朮加桂心肆兩吐多  
者去朮加生薑三兩下多者復用朮悸者  
加茯苓貳兩渴欲得水者加朮合前成肆  
兩半腹中痛者加人參合前成四兩半苦  
寒者加乾薑合前成四兩半腹滿者去朮  
加附子壹枚服湯後壹食頃服熱粥壹升  
微自溫勿發揭衣被也  
桂枝湯治吐利止而身體痛不休者當消息  
和解其外以此湯小和之

方見傷寒門

四順湯治霍亂轉筋肉冷汗出嘔哕者方

附子壹兩人參壹兩乾薑壹兩甘草各三兩

右四味咬咀以水六升煮取二升分三服

范汪云利甚加龍骨二兩○肘後方治吐

下腹乾嘔手足冷不止乾薑甘草人參附

子各二兩水六升煮取三升半分為三服

若下不止加童骨二兩腹痛甚加當歸二

兩胡洽用附子一枚桂壹兩人霍亂亦不

吐痢但四肢脉沉肉冷汗出渴者即差聖

惠方治霍亂吐下腹痛手足逆冷附子壹兩

炮裂去人參壹兩去壹兩乾薑壹兩炮壹兩甘草壹兩

炙微右件藥搗篩為散每服三錢以水壹

中盞煎至六分去滓不計時候熱服直指

方四順附子湯治吐瀉過多手足逆冷六

脉沉細氣小不語急服生附子白薑炮人

參甘草炒各壹分右判每服四錢水二盞一盞

空腹服腹痛加桂小便不利加茯苓仍用

炒搥或用薑附湯方見諸聖濟總錄治



霍亂吐下虛冷厥逆腹痛乾嘔乾薑炮甘

草炙人參各二兩附子壹枚炮裂右四味剉

如麻豆每服五錢匕以水一盞半煎取壹

盞去滓溫服一方下甚加龍骨二兩腹痛

不止加當歸二兩切焙

四逆湯治多寒手足厥冷脉絕方

生薑兩當歸兩芍藥兩細辛兩桂心各三兩

大棗二十枚通草兩甘草各二兩吳茱萸二升

右九味咬咀以水六升酒六升合煮取五

升分五服舊方用棗三十枚今以霍亂病

法多痞故除之如退棗人葛根二兩佳霍

亂四逆加半夏壹合附子小者一枚惡寒

乃與大附子

又方治吐下而汗出小便復利或下利清穀

裏寒外熱脉微欲絕或發熱惡寒四肢拘急

手足厥方

甘草二兩乾薑壹兩附子壹枚

右三味咬咀以水三升煮取壹升二合溫

分再服彊者可與大附子壹枚乾薑至三兩廣濟方若吐後吸吸少氣及下而腹滿者加人參壹兩

通脉四逆湯治吐利已斷汗出而厥四肢拘急不解脉微欲絕

大附子一枚○聖濟總錄炮裂去皮臍甘草壹兩半○乾

薑三兩強者四兩總錄炮三兩

右三味咬咀以水三升煮取壹升二合分二服總錄每服三錢七水一盞脉出即愈

若面色赤者加葱白九莖總錄每加三寸腹中

痛者去葱加芍藥二兩總錄每料加二兩嘔逆加

生薑二兩總錄每服加五片咽痛去芍藥加桔梗

一兩利止脉不出者去桔梗加人參二兩

皆與方相應乃服之仲景川通脉四逆加

猪膽汁湯

竹葉湯治霍亂吐利已服理中四順等湯熱不解者方

竹葉一小麥壹升生薑十片甘草人參附

子 芍藥各壹兩 橘皮 當歸 桂枝各二兩

白朮三兩

右十一味咬咀以水壹斗半先煮竹葉小

麥取八升去滓下藥煮取三升分三服上

氣者加吳茱萸半升即差理中四順湯皆

大熱若有熱宜竹葉湯古今錄驗無芍藥

甘草瀉心湯治婦人霍亂嘔逆吐涎沫醫反

下之心下即痞當先治其涎沫可服小青龍

湯涎沫止次治其痞可與此方

甘草四兩 乾薑 黃芩各三兩 黃連一兩 半夏半升

大棗十二枚

右六味咬咀以水壹斗煮取六升分六服

小青龍湯治婦人霍亂嘔吐方方見咳

附子粳米湯治霍亂四逆吐少嘔多者方

中附子一枚 粳米五合 半夏半升 大棗十枚 乾薑景仲

方甘草各一兩

右六味咬咀以水八升煮藥取米熟去滓

分三服

理中散治年老羸劣冷氣惡心飲食不化心腹虛滿拘急短氣霍亂嘔逆四肢厥冷心煩氣悶流汗扶老方

麥門冬

乾薑

各六兩

人參

大白朮

甘草

各五兩

附子

茯苓

各三兩

白朮

芍藥

黃芩

各三兩

右七味治下篩以白湯三合服方寸匕常

服將蜜丸如梧子大酒服二十九

承類

同

人參湯治毒冷霍亂吐利煩嘔轉筋肉冷汗出手足指皆腫喘息垂死終語音不出百方

不效脉不通者服此湯取瘥乃止隨吐續服勿止并灸之方

人參

附子

厚朴

茯苓

甘草

橘

皮

當歸

葛根

乾薑

桂心

各二兩

右十味以水七升煮取二升半分三服

治霍亂蠱毒宿食不消積冷心腹煩滿鬼氣方

得效方乾霍亂蠱毒治忽然心腹脹滿疴刺痛疼蠱毒煩冤欲吐不吐欬利不利狀

若神靈所附頃刻之間便至悶絕亦涉極  
三因或臟虛或腸胃素實故此利不行極  
鹹鹽湯三升經驗秘方三蓋熱飲壹升秘方一蓋刺口

令吐宿食使盡不吐更服吐訖復飲三吐

乃住靜止此法大勝諸治俗人以為田舍

淺近法鄙而不用守死而已凡有此病即

須先用之三因方神巧萬全方同○得效方又云續

以理中湯倍加橘紅與之玉機寶義吐定用理中湯或

藿香正氣散加官桂茯苓煨枳殼就吞蘇

合香圓妙澹寮方治霍亂蠱毒宿食不消

積冷心腹煩滿鬼氣為害欲吐不得吐欲

利不得利謂之乾霍亂最能殺人泡極鹹

塩湯三升頓服以手刺口中令吐宿食痰

物令盡吐訖又飲三吐乃止然後服少理

中湯此法遠勝諸法

### 治霍亂方

菹豆 香薷各壹升

右二味以水六升煮取二升分服單用亦

得

治霍亂洞下衛生易簡方吐下不止者方艾膏把水

三升一經驗良方新艾煮取壹升頓服之良

良方如無新者舊葉濃煎湯服急救仙方與良方同

又方香茱壹把水四升煮取壹升頓服之青

木香亦佳

治霍亂吐下腹痛方以桃葉煎汁神巧萬全方擣絞取

汁服壹升立止冬用皮○肘後方取桃葉

三升切以水五升煮取壹升三合分溫二

服衛生易簡方同聖惠方桃葉膏兩切右以水壹

中藥煎至六分去滓不計時候溫服錄同

聖濟總錄治霍亂吐利不止心腹俱痛桃

葉飲方桃葉秋冬取枝擣一升右一味擣碎以水

五盞和絞取汁每溫服壹盞不拘時

治霍亂引飲飲輒乾嘔方生薑五兩咬咀以

水五升煮取二升半分二服高良薑大佳

○肘後方治霍亂心腹脹痛煩滿短氣未

得吐下方生薑壹斤切以水七升煮取二

升分爲三服

杜若圓治霍亂久將遠行預備方

杜若 藿香 白朮 橘皮 吳茱萸

乾薑 人參 厚朴 木香 雞舌香

瞿麥 桂心 芍荷 女萎 茴香

右十五味等分爲末蜜丸如梧子酒下二

十九

治霍亂永不發丸方

虎掌 薇銜 各二兩 枳實 附子 人參

檳榔 乾薑 各三兩 厚朴 六兩 皂莢 十三兩 白朮 五兩

右十味爲末蜜丸如梧子大每服酒下二

十九日三武德中有德行尼名淨明患此

已久或一月壹發或壹月再發發卽至死

時在朝大醫蔣許甘巢之徒亦不能識余

以霍亂治之處此方得愈故疏而記之

凡先服石人因霍亂吐下服諸熱藥吐下得

止因卽變虛心煩手足熱口燥欲得水嘔逆

迷悶脉急數者及時行熱病後毒未盡因霍

亂吐下仍發熱心胃欲裂者以此解之

薺芫 人參 厚朴 知母 栝蔞根

茯苓 犀角 藍子 枳實 桔梗 橘

皮 葛根 黃芩 甘草各二兩

右十四味以水壹斗煮取三升分三服

治中熱霍亂暴利心煩脉數欲得冷水者方

新汲井水頓服一升立愈先患胃口冷者

勿服之神巧萬全方同

治霍亂醫所不治秘方童女月經衣合血燒

末酒服方寸匕百方不瘥者用之神巧萬全方同

治霍亂轉筋方得效方澹寮方名熏洗法藜一把去兩頭

以水二升升時後方衛生易簡方二煮取一

升升時後方壹升頓服之神巧萬全方同秘

熱擦轉筋處一方作梨葉○得效方陳澹寮方無陳字

大藜一把嚴氏濟生方玉機微水三升煮

取二升乘熱濟生方微重洗仍飲半盞凡

用藜須家園種者王氏集驗方乾霍亂不

吐不下大藜湯大藜濃煎湯服壹錢仍多



煎湯洗滌

又方燒舊木梳灰為末酒服一枚小者永瘥

又方車轂中脂塗足心下瘥

治霍亂轉筋入腹無奈何者方作極鹹塩湯

於槽中暖漬之

嚴氏濟生方魯寮方玉機微義同神巧傳令夕浸足

即○肘後方治肝風虛轉筋入腹以塩半

斤水煮少時熱漬之佳

又方以酢煮青布搦之冷即易

神巧萬全方同

治轉筋不止者方男子則以手挽其陰牽之

女子則挽其乳近左右邊

永類鈴方同

千金月令

主霍亂方右取生胡椒三十四粒吞之

肘後方三

四十粒以飲吞之又以漿水煎爛蘆蓀汁服之

抵聖備急丸主乾霍亂心腹百病疰痛等方

乾薑

大黃

巴豆熬去皮心別研如泥

右各壹兩擣篩為散蜜和為丸入巴豆更

擣三五百杵丸如棗豆大每服空心服三

丸快痢為度忌生冷硬物等○聖惠方治

霍亂心腹疼痛冷氣築心備急丸方川大

黃一兩到微炒乾薑壹兩炮裂到巴豆一分去皮心紙裏壓去油

細研右件藥搗羅為末入研了巴豆令勻鍊

蜜和丸如梧桐子大每服不計時候以粥

飲下三九聖濟總錄治霍亂卒暴心腹痛

備急丸方乾薑炮大黃炮各一兩巴豆去心皮炒乾別

兩右三味搗羅二味為末與巴豆和勻

麩糊為丸如菉豆大每服二丸橘皮湯下

得利為效痛止勿服

聖惠方 霍亂

治霍亂諸方

夫臟腑冷熱不調飲食過度使陰陽二氣清

濁相干而變亂於腸胃間之所致也而嘔吐

者是冷氣客於腑藏脾氣不和而利者是腸

胃俱虛而挾宿冷水穀不理大腸滑利故洞

下不止其邪氣上攻於心則令心痛下攻於

腹則令腹痛若吐利過多氣血虛損榮衛不

理則手足逆冷轉筋此皆真邪交錯腸胃變

亂故名霍亂也

治霍亂吐利冷氣攻心腹木瓜散方

木瓜乾者一兩 艾葉半當歸半兩木香半桂

心半兩訶梨勒三分煨肉荳蔻半兩人參兩

去蘆白朮三分陳橘皮壹兩湯浸厚朴三分

皮塗生薑汁炙香熟

右件藥擣篩為散每服三錢以水壹中

煎至五分去滓不計時候稍熱服

治霍亂冷熱不調吐利不止高良薑散方

高良薑壹兩木瓜壹兩香薷兩梨枝葉兩

半人參三分去蘆頭

右件藥擣麤羅為散每服三錢以水壹中

盞煎至五分去滓溫溫頻服

治霍亂吐利不止宜服丁香散方

丁香半兩桂心兩訶梨勒三分煨厚朴三分

皮塗生薑汁陳橘皮壹兩湯浸木瓜壹兩

炙令香熟高良薑白朮兩附子三分炮裂

右件藥擣細羅為散不計時候以粥飲調

下二錢

治霍亂吐逆及利并脚轉筋人參散方

人參壹兩去蘆頭 乾薑半兩炮裂 吳白朮壹兩

瓜壹兩乾者

右件藥搗麤羅為散每服三錢以水壹中盞入生薑半分煎至五分去滓不計時候

溫服

治霍亂吐瀉不止厚朴散方

厚朴壹兩半去麤皮塗生薑汁炙令香熟 甘草半兩炙 肉荳

薤三分去殼 黃連三分去鬚

右件藥搗篩為散每服三錢以水壹中盞煎至五分去滓溫溫頻服

治霍亂或吐或瀉口乾大渴頭疼體痛宜服

理中丸方

人參壹兩去蘆頭 乾薑壹兩炮裂 甘草半兩炙 白朮壹兩

右件藥搗羅為末鍊蜜和丸如彈子大不計時候以粥飲化破壹丸服之○肘後方

治霍亂吐下後大渴多飲則煞人方甘草  
 三兩 乾薑 人參 白朮 各壹兩 擣下篩蜜丸如彈  
 丸覺不住更服壹枚須臾不差仍溫湯壹  
 斗以麋肉中服之頻頻三五度令差亦可  
 用酒服

治霍亂吐瀉令不再發虎掌丸方

虎掌 二兩 湯浸七遍剉 微銜 二兩 枳殼 三兩  
碎生薑汁拌微炒  
 主 厚朴 六兩 去麤皮塗生 附子 三兩 炮裂  
剉薑汁炙令香熟  
 乾薑 三兩 炮 人參 三兩 去 檳榔 三兩 皂莢 三  
裂生

去黑皮塗酥 白朮 五兩  
 炙煨黃去子

右件藥擣羅為末鍊蜜和擣五七百杵丸  
 如梧桐子大不計時候以溫酒下二十九  
 治霍亂水利不止吐不下食兼煩渴草荳蔻

散方

草荳蔻 半兩 黃連 一兩 丁香 半兩  
去皮  
 右件藥擣篩為散每服三錢以水一中盞  
 入黑豆五十粒生薑半分煎至六分去滓  
 不計時候溫服 神巧萬全方同

治霍亂不利唯吐方

人參

三分去

厚朴

半兩去

麝香

陳橘

皮

二分湯浸

兔骨

炙令黃

水

一中

右件藥搗篩為散每服三錢以水壹中煮

入生薑半分煎至五分去滓不計時候溫

服

治霍亂唯利不吐方

烏牛齒

壹團并草

生薑

三分切

人參

半兩去

麝香

右件藥細剉拌和令勻以淡漿水壹大盞

煎至六分去滓分為二服稍熱服之如人

行五里再服

治霍亂初覺吐利宜服此方

香薷

壹兩

小蒜

壹兩

厚朴

壹兩

去麩皮塗生

右件藥細剉令勻每服半兩以水壹大盞

入生薑半分煎至七分去滓分溫二服不

計時候服之

治霍亂吐利轉筋心膈煩悶宜服此方

木瓜

一兩

桂心

一兩

草薢

半兩

去皮

右件藥搗篩為散每服三錢以小一中盞煎至六分去滓不計時候溫服

又方菡豆五十顆木瓜一分皂莢子十枚

右三味炒黃搗篩為散以水壹大盞煎至五分去滓頓服立效

又方豌豆三合香菜三兩

右件藥以水三大盞煎至壹盞半去滓分為三服溫溫服之如人行五里服再

治霍亂吐瀉不定方

桑葉壹握蕭竹壹握

右細剉以水二大盞煎至壹大盞去滓溫

溫分為三服如人行三二里再服

治霍亂吐瀉如神方壽域神方霍亂煩躁臥不安穩

厚朴去麩皮生薑汁塗炙令香熟

右搗細羅為散不計時候以新汲水調下

二錢瑣碎錄術生寶鑑同

治霍亂嘔吐不止諸方

夫冷熱不調飲食不節則使人陰陽清濁之

氣相干而變亂於腸胃之間則成霍亂霍亂而嘔吐者是冷氣客於腑藏之間或上攻於心則心痛或下攻於腹則腹痛若先心痛者則先吐先腹痛者則先利而此嘔吐是冷入於胃胃氣變冷邪氣既盛穀氣不和胃氣逆上故嘔吐也

治霍亂嘔吐脾胃虛冷氣隔不思飲食訶梨勒散方

訶梨勒皮三分 桂心半白朮兩 澤瀉兩 人參

半兩去 乾薑半兩炮 甘草壹分炙 陳橘皮壹兩湯浸 赤芍藥兩厚朴壹兩去粗皮塗去白麵焙 熟 牛薑汁炙令香

右件藥搗麤羅為散每服四錢以水壹中盞入生薑半分煎至六分去滓溫溫服之

又方厚朴壹兩去麤皮塗生 桂心兩半枳實兩

微炒半夏半兩湯洗七遍去滑 人參半兩去 白朮兩

右件藥搗篩為散每服三錢以水壹中盞入生薑半分棗三枚煎至六分去滓溫溫



類服

又方白朮兩肉苳菘半兩人參半兩厚朴去

三分去麤皮塗生薑汁炙令香熟陳橘皮三分湯浸去白瓢燥

右件藥搗篩為散每服三錢以水壹中蒸

入生薑半分棗三枚煎至六分去滓不計

時候溫服

治霍亂嘔吐不止宜服人參散方

人參一兩去白朮兩甘草半兩炙厚朴壹

去麤皮塗生薑汁炙令香熟陳橘皮壹兩湯浸半夏兩半

湯洗七遍去骨

右件藥搗麤羅為散每服三錢以水一中

盞入棗二枚生薑半分煎至六分去滓不

計時候溫服

又方肉苳菘壹兩人參壹兩厚朴壹兩

生薑汁炙令香熟

右件藥搗麤羅為散每服三錢以水一大

盞入生薑半分粟米二撮煎至五分去滓

不計時候溫服

治霍亂食不消化嘔吐不止桔梗散方

桔梗一兩去蘆頭白朮一兩陳橘皮一兩湯浸乾

薑半兩炮裂到白茯苓三分枇杷葉半兩拭去毛炙微黃高

良薑半兩到甘草一分炙微赤到

右件藥搗羅羅為散每服三錢以水一中

盞入倉粳米五十粒棗三枚煎至六分去

滓不計時候溫服

治霍亂嘔吐腹脹厚朴散方

厚朴壹兩去麤皮塗生薑汁炙香熟枳實半兩枇杷葉分去毛

炙微黃枳實半兩炒微黃

右件藥搗篩為散每服三錢以水盞中盞

入生薑半分煎至六分去滓不計時候溫

服

治霍亂吐少嘔多者宜服此方

附子一兩炮裂去皮臍半夏二兩湯洗七遍去滑乾薑兩兩炮裂

右件藥搗羅羅為散每服三錢以水一中

盞入粳米五十粒棗二枚煎至六分去滓

滓不計時候溫服

不計時候溫服

治霍亂脾胃虛冷氣逆嘔吐不止方水一中

陳橘皮壹兩湯浸乾薑半兩炮華菱三桂

心半兩參半兩去頭甘草半兩白木壹兩神

麴壹兩炒附子壹兩炮裂

右件藥搗羅為末鍊蜜和擣三二百杵凡

如梧桐子大不計時候以粥飲下三十丸

又方肉荳蔻壹兩人參壹兩白木壹兩甘草壹兩

半兩炙高良薑三分桂心三分陳橘皮壹兩

去白胡椒兩半

右件藥搗羅為末鍊蜜和擣三二百杵凡

如梧桐子大不計時候以粥飲下三十丸

治霍亂心腹痛諸方

夫冷熱不調飲食不節則致陰陽清濁之氣

相干而變亂於腸胃之間則成霍亂霍亂而

心腹脹滿巢氏病源者是風氣客於藏腑之

間冷氣與真氣相擊或上攻心或下攻腹也

治傷冷霍亂虛煩吐瀉轉筋冷汗出腹中痛

附子散方

附子壹兩炮裂去皮臍 草薹壹兩 人參三分 去去

甘草半兩炙 陳橘皮一兩湯浸 當歸半兩

炒乾薑半兩炮裂 桂心半兩 木瓜壹兩 厚朴三分

去去 麝皮塗生薑 汁炙令香熟

右件藥搗篩為散每服三錢以水一中盞

煎至六分去滓不計時候溫服

治霍亂吐瀉心腹痛四肢不和人參散方

人參半兩 蘆頭去 白朮半兩 赤芍藥半兩 甘草半兩

赤當歸半兩 乾薑一兩 炮炮 赤茯苓半兩

芫薹半兩 桂心半兩

右件藥搗篩為散每服三錢以水壹中盞

煎至六分去滓不計時候溫服

治霍亂吐瀉不止冷氣入脾胃攻心腹切痛

肉荳蔻散方

肉荳蔻半兩 白朮半兩 高良薑三分 桂心半兩

甘草壹兩 枇杷葉半兩 吳茱萸半兩

湯浸七遍 厚朴壹兩 薑汁炙令香熟

右件藥搗篩為散每服三錢以水壹中蒸煎至六分去滓不計時候熱服

治霍亂吐瀉心腹疼痛方

黑豆半合生薑半兩黃連半兩草薹半兩

右件藥細剉和勻分為四服每服以水一

盞煎至六分去滓溫服良久再服

治冷氣相攻霍亂少吐多利腹痛如刀刺宜

服此方

母生薑一片大如手者以炭火燒令皮黑色

右熟槌碎以新汲水一大盞浸之良久漸

漸服之神巧萬全方同

治霍亂腹痛吐利

楠木壹兩樟木一兩

右件藥細剉以水二大盞煎至一大盞去

滓分為三服不計時候溫服

又方聖濟總錄治霍亂吐利後煩乾薑壹兩

剉

右搗細羅為散每服以熱酒調下一錢總錄

每服二錢匕  
温飲調下  
○肘後方治霍亂心腹脹痛

煩滿短氣未得吐下方服乾薑屑三方寸

匕

又方小蒜半兩

右以水壹中盞煎至六分去滓不計時候

温服○肘後方治霍亂心腹脹痛煩滿短

氣未得吐下方小蒜壹升咬咀以水三升

煮取壹升頓服之  
壽域神方衛主易前方同以煖湯漬

小蒜五升許取汁服之亦可

又方蘆葉一握

右以水壹大盞煎至五分去滓頓服

治霍亂心腹脹痛不得利方

烏牛糞絞取汁壹合百日兒乳汁壹合

右二味攪勻温温頓服

治霍亂轉筋腹痛不止方

小蒜青搗分

右件藥爛搗內少許於臍中上以艾火灸

五七壯立效瑣碎錄同

治霍亂心腹脹滿諸方

夫冷熱不調則成霍亂霍亂若心腹脹滿者  
是寒氣與藏氣相搏真邪相攻不得吐利故  
令腹脹滿也其有吐利過多藏虛邪猶未盡  
邪客於脾氣不宣發亦令心腹脹滿也

治霍亂吐利心煩轉筋腹脇脹滿宜服桂心  
散方

桂心半兩人參三分去蘆頭香薷壹兩木瓜二兩陳  
橘皮壹兩湯浸甘草半兩炙乾薑半兩炮  
去白麵焙乾赤乾薑半兩炮

檳榔壹兩

右件藥搗篩為散每服四錢以水一中盞  
入生薑半分煎至六分去滓不計時候溫  
服

治霍亂吐瀉心腹脹滿脾胃虛弱四肢逆冷  
訶梨勒散方

訶梨勒皮壹兩微煨白茯苓壹兩桂心壹兩厚朴二兩  
去麩皮塗生薑陳橘皮壹兩湯浸甘草壹兩  
汁炙令香熟炙微赤到

右件藥搗篩為散每服四錢以水一中盞入棗三枚生薑半分煎至六分去滓不計時候熱服

治霍亂吐瀉多脾胃虛之心腹脹滿不思飲食霍香散方

霍香兩半當歸兩半剉人參兩半去木瓜兩

乾桂心兩半白朮兩附子三分炮裂芎藭兩半

右件藥搗麤羅為散每服三錢以水一中盞入生薑半分棗三枚煎至六分去滓不

計時候熱服

治霍亂吐逆下利心腹脹滿脚轉筋手足冷

吳茱萸散方

吳茱萸半兩湯浸七厚朴壹兩去麤皮塗

熟生薑汁炙令香

右件藥搗麤羅為散每服三錢以水一中盞入生薑半分煎至六分去滓不計時候

熱服

又方香茱壹握生薑半兩木瓜壹兩



右件藥以小二大盞煎至一盞去滓入白米半合煮成粥入少醬汁為味喫一兩服効

又方白朮二兩枳殼二兩麩炒桂心壹兩

右件藥擣篩為散每服三錢以水一中盞入棗三枚生薑半分煎至六分去滓不計時候熱服

治霍亂心胃妨悶腹脇脹滿嘔吐紫蘇丸方

紫蘇葉壹兩陳橘皮壹兩湯浸人參壹兩去蘆

頭高良薑壹兩桂心一兩

右件藥擣羅為散鍊蜜和擣三二百杵丸如梧桐子大不計時候以熱酒嚼下二十丸

治霍亂及脾胃氣虛腹脹妨悶不思飲食白

芫蕪丸方

白芫蕪三分乾薑半兩炮白朮壹兩甘草半兩

炙微人參三分去蘆頭桂心半兩厚朴壹兩去麩

汁炙令陳橘皮壹兩湯浸訶梨勒皮三分香熟

右件藥搗羅為散鍊蜜和搗三二百杵丸如梧桐子大每服以生薑棗湯下二十九

日四五服

治霍亂及脾胃氣虛腹脹不能飲食方

人參三分去蘆頭

香薷

壹握

陳橘皮

壹兩湯浸去白瓢焙

右件藥搗篩為散分為四服每服以水壹

中盞入棗二枚生薑半分煎至六分去滓

不計時候溫服

治霍亂嘔逆腹鳴下利心下脹滿方

陳橘皮

壹兩湯浸去白瓢焙

半夏

三分湯洗七遍去滑

乾薑

半

炮裂

右件藥搗羅羅為散每服四錢以水壹中

盞入生薑半分煎至六分去滓不計時候

溫服

治乾霍亂諸方

夫乾霍亂者是冷氣搏於腸胃致飲食不消但腹滿煩亂疔痛短氣其腸胃先實故不吐不利名為乾霍亂也

治乾霍亂不吐不利宿食不消煩亂腹痛木香散方

木香壹兩 高良薑二兩 草薢壹兩

右件藥搗篩為散每服三錢以水壹中盞入生薑半分棗三枚煎至六分去滓不計時候溫服

治乾霍亂心腹疔痛氣短急四體悶不吐利煩嘔難忍此名乾霍亂斯須不急即殺人急治方

乾薑三分 川大黃壹兩 巴豆三枚

紙裏壓 吳茱萸壹兩 湯浸七遍焙乾微炒

右件藥搗羅為末入巴豆令勻鍊蜜和搗壹二百杵丸如梧桐子大每服以粥飲下十五丸須臾更以熱茶投之當吐利即差治乾霍亂眾醫無効宜服此方

肉桂末一兩 訶梨勒皮末壹分 巴豆壹枚 去皮心研紙裏壓去油

右件藥除桂先將二味絲裏內壹中盞湯

中浸良久湯下黃汁更入酒壹合下桂末  
令勻頓服須臾得吐利大効

治乾霍亂不吐不瀉腹脹如鼓心胃痰壅宜  
服此方

搥二生薑壹兩

右件藥炒令轉色以童子小便壹大盞煎

至六分去滓分爲二服溫溫服之神巧萬全方同

○直指方薑搥飲治乾霍亂欲吐不吐欲

瀉不瀉痰壅腹脹搥壹兩生薑半兩右同炒

令色變以童尿兩盞煎壹盞分爲二溫服

醫方大成集成袖珍方山居四要衛生易筋方以水壹椀煎熟溫服甚者加童子小便壹

盞

聖濟總錄治壹切霍亂嘔逆手足厥冷返

魂湯方搥分生薑壹兩右二味用童子小

便壹椀半煎取壹椀去滓分溫三服

治乾霍亂不吐瀉時復心煩四肢逆冷方右

取黃牛犢子糞壹升以水二大盞煮取一

盞淨濾去滓分溫二服

治乾霍亂不吐不利胃膈煩渴心腹脹痛宜服此方

搥二亂髮灰錢二

布作藥以水一中盞煎搥至六分放溫調

髮灰頭服良久再服錄同○肘後方治霍

亂煩躁壽域神方煩躁臥不安穩燒亂髮如雞子大盞

湯三升衛生易簡方二盞和服之不吐再服

治乾霍亂不吐不利煩悶不知所為方

巴豆膏枚去皮心

右以熟水研服之當快利三兩行即以漿水粥止神巧萬全方同立定

治霍亂欲死諸方

夫霍亂欲死者由飲食不消冷氣內搏或未得吐利或雖得吐利冷氣未歇致真邪相干陰陽交爭氣厥不理則煩悶逆滿因之巢氏病源困故欲死也

治胃冷霍亂吐下煩嘔轉筋內冷汗出手足指痺氣息欲絕垂死者服此人參散方

人參半兩去蘆頭 附子半兩炮裂去皮臍 桂心半兩赤茯

苓半兩甘草微赤剉 陳橘皮半兩湯浸去白瓢焙 當歸

半兩剉 葛根半兩剉 乾薑半兩炮裂剉

右件藥搗羅為散每服五錢以水壹大

蒸入生薑半分煎至五分去滓不計時候

溫服取差乃止若吐却藥即續更服之

治霍亂吐利不止悶絕不仕宜服藿香散方

藿香壹兩 白朮壹兩 當歸一兩半剉 木瓜三兩乾者

人參一兩去蘆頭 赤茯苓壹兩 五味子壹兩 黃耆壹兩

剉

右件藥搗篩為散每服四錢以水壹中盞

煎至六分去滓不計時候溫服

治霍亂煩悶欲死方

雞屎白半合微炒 胡椒三十粒 高良薑半兩剉 桂心

半兩 木瓜壹兩乾者 麥門冬一兩去心焙

右件藥搗篩為散每服三錢以水一中盞

煎至六分去滓不計時候溫服

治霍亂吐瀉欲垂命者宜服附子散方

附子

一兩炮裂去皮臍

乾薑

半兩炮裂到

甘草

三分炙微赤到

桂心

三分

右件藥搗篩為散每服三錢以水一中盞煎至六分去滓不計時候溫服

治霍亂吐不止欲死方

生薑

三兩切

牛糞

三合

右件藥以水三大盞煎至一盞半去滓分溫三服

治霍亂轉筋垂死立效方

故蒲

一握細切○肘後方敗蒲常

右以漿水一大盞煮取六分去滓溫溫頻

服

瑣碎錄何

治霍亂困篤不識人方

雞蘇

三兩

右以水三大盞煎至壹盞半去滓分溫三

服

治霍亂心煩諸方

夫霍亂而心煩者由大吐大利腑藏氣暴極

夫吐者胃氣逆利者腸虛也大吐大利者氣逆巢氏病源虛逆則甚三臆不理五藏未和冷搏於氣逆上乘心故心煩亦未經吐利心煩者是冷氣入於腸胃水穀得消巢源得冷蘊痰不宣氣亦逆上故亦煩也

治霍亂吐瀉心煩人參散方

人參一兩去 麥門冬壹兩去心 陳橘皮壹兩湯浸去白  
煎 茯苓三分 甘草一分炙  
右件藥搗篩為散每服三錢以水壹中盞

入生薑半分小麥五十粒竹葉二十七片煎至六分去滓溫溫頻服

治霍亂心煩乾嘔蘆根散方

蘆根壹兩 人參一分 陳橘皮壹兩湯浸去白 枳實一分 麥門冬一分 木瓜一分  
右件藥搗篩為散每服三錢以水壹中盞入生薑半分煎至六分去滓溫溫頻服之

治霍亂吐利汗出心煩宜服此方

人參三分 白朮半兩 黃耆半兩 茯苓三分



草半兩炙乾薑半兩炮裂剉桂心半兩麥門冬三分

去心

右件藥搗篩為散每服四錢以水壹中盞入生薑半分煎至六分去滓溫溫頻服之

治霍亂心煩聖濟總錄霍亂後心煩坐卧不安方總錄名葱

白大

葱白七莖切○總錄大棗十枚切○總錄

右件藥相和分為二服每服以水壹中盞煎至六分去滓溫服良久再服○總錄右

二味以水三盞煎取壹盞半去滓分溫二

服肘後方治霍亂後煩躁卧不安穩葱

二十莖大棗二十枚以水三升煎取二升

分服衛生易簡方同

治霍亂吐利心煩壯熱方

黑豆壹合揀淨生薑半兩

右件藥以漿水壹大盞煎至六分去滓分

溫二服

治霍亂吐瀉心煩悶亂宜服此方

生薑汁壹合蜜壹合糯米壹合以新汲水淘令淨研如粉

右件藥以新汲水壹大盞相和時時服壹

合已來

又方甘草壹分炙槐葉壹兩桑葉壹兩

右件藥擣篩為散每服三錢以水壹中盞

煎至六分去滓不計時候溫服

又方竹葉壹握

右以水一大盞煮取汁五分分溫二服

治霍亂心煩躁方

棗十二枚生薑一分

右用水二大盞煎至壹盞去滓分溫二服

又方桂心一分人參半兩去蘆頭

右以水壹大盞煎至七分去滓分溫二服

又方蘆根二兩麥門冬一兩去心

右以水二大盞煎至壹大盞去滓分溫五

服

治霍亂煩渴諸方

夫霍亂而煩渴者由大吐逆上膈虛氣不調

氣乘於心則煩悶也若利則津液竭竭則燥燥藏燥則渴也若煩渴不止則引飲引飲則利利亦不止也

治霍亂卒吐下利不禁脈數煩渴宜服人參散方

人參壹兩去蘆頭 白朮一兩 白茯苓壹兩 葛根壹兩  
陳橘皮壹兩湯浸去白瓢焙 麥門冬壹兩去心 甘草半兩炙微赤  
右件藥搗篩為散每服四錢以水壹中盞

入生薑半分煎至六分去滓溫溫頻服之

治霍亂吐下後煩渴梔子散方

梔子人兩半 豉壹合 陳橘皮三分湯浸去白瓢焙 甘草一分炙微赤

右件藥搗篩為散分為三服每服以水壹中盞入生薑半分煎至六分去滓溫服之  
治霍亂吐瀉煩渴心躁宜服此方

蘆葉一兩 糯米半兩  
右件藥以水壹大盞入竹茹壹分煎至六

分後入蜜半合生薑汁半合更煎三兩沸  
去滓放溫時時呷之

又方麥門冬半兩桑葉兩生薑壹兩梁米半兩

右件藥細剉以水壹大盞煎至六分去滓  
入蜜半合更煎三兩沸放冷溫時時呷之

治霍亂煩渴頭痛石膏散方

石膏兩麥門冬一兩甘草三分炙白茯苓

兩

右件藥搗篩為散每服二錢以水一中盞

入生薑半分豉一百粒竹葉二十片煎至  
六分去滓不計時候溫服

治霍亂心煩渴方

白茯苓壹兩大棗十枚麥門冬半兩

右件藥細剉分為五服每服以水一中盞  
煎至六分去滓溫溫頻服

治霍亂吐利煩渴不止方

木瓜壹枚桂心兩麥門冬壹兩

右件藥細剉每服半兩以水一大盞煎至

五分去滓不計時候溫服

治霍亂已吐利後煩渴不止方

聖濟總錄名桑葉飲

桑葉青握切

右以水一大盞煎至五分總錄七分去滓不計

時候溫服○衛生易簡方治霍亂腹痛吐

下用桑葉搗汁服一盞冬月用乾者煎濃

汁服

治霍亂不吐瀉但有生食氣氣急煩渴宜服

此方

木瓜壹枚切

右以水二大盞煎至一盞二分細飲之

治霍亂吐下後大煩渴飲水不足宜服此方

黃米壹合

右以水壹大盞煮令熟放溫飲清汁類服

之○肘後方治霍亂吐下後大渴多飲則

殺人方以黃米禾類鈔方五升水壹斗煮

之令得三升經驗秘方黃米半升水五碗

小十碗煮清澄稍稍飲之莫飲餘物也

治霍亂乾嘔諸方

夫霍亂乾嘔者由吐下脾胃虛極三焦不理氣痞結於心下氣時逆故乾嘔而無所出若更遇冷折於胃而胃氣不通則變為噦也

治霍亂胃氣虛乾嘔不止白朮散方

白朮壹兩藿香一人人參壹兩去頭半兩枇杷葉拭去

毛炙高良薑半兩草薹半兩去皮

右件藥搗篩為散每服三錢以水壹中盞入生薑半分棗三枚煎至六分去滓不計

時候溫服

又方薤白壹兩去頭壹兩白朮一兩厚朴壹兩去籠

皮塗生薑汁香葉兩

右件藥細判和勻每服半兩以水壹中盞入生薑半分棗三枚煎至六分去滓不計

時候服

又方丁香壹分人參壹分去頭

右件藥搗細羅為散分為二服每服以牛乳三合煎三五沸和滓溫服如人行五里

再服

又方生薑汁合平牛乳合一

右二味煎壹兩沸頓服之

又方吳茱萸半兩湯浸七乾薑半兩炮人參

二兩去蘆頭

右件藥搗麤羅為散每服三錢以水一中

盞煎至七分去滓不計時候溫服

又方○聖濟總錄治霍亂後胃弱嘔吐不止

厚朴湯方

厚朴四兩去麤皮塗生乾薑豆菜白茯苓

芍藥三兩○總錄白朮三兩○總錄人參三兩去

右件藥搗篩為散每服三錢以水一中盞

煎至六分去滓不計時候溫服○總錄每

服五錢匕水壹盞半煎至七分去滓溫服

治霍亂嘔方

乾薑壹兩去陳橘皮壹兩湯浸

右細判和勻每服半兩以水壹大盞煎至

五分去滓不計時候溫服

又方厚朴壹兩去薑汁及令香熟枳殼一兩麩炒

右件藥搗篩為散每服三錢以水一中盞煎至六分去滓不計時候稍熱服

治霍亂引飲飲即乾嘔方

生薑壹兩切香薷一兩切陳橘皮壹兩湯浸去白瓢焙

右件藥以水二大盞煎至壹盞去滓分温

二服

治霍亂乾嘔不息方

薤白壹握切生薑牛兩切陳橘皮三分湯浸去白瓢焙

右件藥以水二大盞煎至七分去滓分温

三服

治霍亂心腹築悸諸方

夫霍亂而心腹築悸者由吐下之後三焦五藏不和而水氣上乘於心故也腎主水其氣通於陰若吐下則三焦五藏不和故脾巢氏病源作氣亦虛不能制水水不下宣與氣俱上乘心其狀起臍下從腹至心氣築築然而悸動不定也



治霍亂吐瀉心煩築悸理中湯方

人參壹兩去 甘草半兩炙 白朮三分 乾薑半兩  
炮裂 赤茯苓半兩 麥門冬半兩 去心

右件藥搗篩為散每服三錢以水壹中盞煎至六分去滓不計時候溫服

治霍亂吐瀉臍下氣築悸妨悶草荳蔻散方

草荳蔻一兩 去皮 木香半兩 桂心半兩 人參一兩 去  
甘草半兩炙 白朮半兩 乾薑半兩 炮裂 陳橘皮壹兩湯浸  
去白 麩焙

右件藥搗篩為散每服三錢以水壹中盞煎至六分去滓不計時候熱服

治霍亂吐利過多臍下氣築悸人參散方

人參壹兩去 甘草半兩炙 乾薑半兩 炮裂 桂  
心三分 澤瀉三分 附子一分 去皮 炮裂

右件藥搗篩為散每服三錢以水一中盞煎至六分去滓不計時候熱服

治霍亂後下痢諸方

夫冷熱不調飲食不節則成霍亂霍亂而下

痢者是冷氣先入於腸胃腸胃之氣得冷則相擊而痛故霍亂若先腹痛者則成下痢也  
治霍亂後下痢參散方

人參青頭 甘草一兩炙 黃芩十兩 白茯苓  
二芍藥半兩 雷踏外微炒 乾薑二兩炮 厚  
朴二兩去蘆皮 薑汁炙令香熟  
右件藥搗篩為散每服五錢以水壹大盞  
入粟米半合煎至五分去滓不計時候熱  
服

治霍亂後下痢赤白不定黃連散方

黃連二兩去鬚微炒 黃蘗二兩 酸石榴皮 地榆  
二兩 乾薑二兩炮 阿膠二兩搗碎 厚朴一兩  
去蘆皮塗生薑汁炙令香熟

右件藥搗篩為散每服三錢以水一中盞煎至六分去滓不計時候熱服

治霍亂後痢不止冷汗出腹脇脹宜服烏梅散方

烏梅肉三分 黃連三分去鬚微炒 熟艾三分 赤石

脂宣當歸三分剉甘草半兩炙附子三分炮裂  
 去皮阿膠官兩搗碎肉荳蔻官兩去殼  
 右件藥搗細羅爲散不計時候以粥飲調  
 下二錢

治霍亂後下痢無度腹中疴痛黃連丸方

黃連三分去木香半兩黃蘗三分微阿膠宣  
黃連鬚從炒黃蘗炙到  
當歸半兩剉乾薑半兩炮地榆兩  
厚朴三分去麤皮塗生  
 右件藥搗羅爲末鍊蜜和搗三二百杵丸

如梧桐子大不計時候以粥飲下二十九

治霍亂後水痢不止白茯苓丸方

白茯苓兩黃蘗一兩微乾薑壹兩炮木瓜  
壹兩半白石脂兩二

右件藥搗羅爲末煮粟米飯和凡如梧桐  
 子大不計時候以粥飲下二十九

治霍亂後腹中冷氣下痢木瓜丸方

木瓜一兩當歸半兩剉熟艾半兩木香半  
乾者桂心半兩○聖濟總陳橘皮三分湯浸赤  
錄桂去麤皮

石脂二兩人參半兩去盧頭白朮二分○總厚朴

三分去麤皮塗生訶梨勒皮三分高良薑三分

薑汁炙令香熟

右件藥搗羅為末鍊蜜和搗三二百杵丸

如梧桐子大每服以粥飲下三十九日四

五服總錄空

又方白朮壹兩人參壹兩去盧頭白茯苓壹兩甘草半兩

炙微厚朴壹兩去麤皮塗生

右件藥搗羅為末鍊蜜和丸如梧桐子大

每服以粥飲下三十九日四五服

治霍亂後洞下不止方

艾葉壹兩訶梨勒壹兩用皮壹兩煨

右件藥以水二大盞煎至一盞去滓分溫

三服如人行五里溫溫再服

治霍亂四逆諸方

夫冷熱不調飲食不節則使人陰陽之氣相

干而變亂於腸胃之間則成霍亂霍亂而大

吐下後其腸胃俱虛乃至汗出其脉欲絕而

手足皆冷名四逆者謂陰陽卒厥絕也

治霍亂腹滿虛鳴氣逆手足俱冷附子散方

附子半兩炮裂去皮臍 草薢半兩去皮 桂心半兩 陳橘

波半兩湯浸去白 高良薑半兩 甘草壹分炙微赤

右件藥搗篩為散每服三錢以水壹中盞

入生薑半分煎至六分去滓不計時候熱

服

治霍亂吐瀉不定四肢逆冷大渴欲水人參

散方

人參二兩去蘆頭 附子二兩炮裂去皮臍 甘草二兩炙

白朮二兩 乾薑二兩炙 麥門冬二兩去心

右件藥搗篩為散每服三錢以小壹中盞

煎至六分去滓不計時候熱服

治霍亂多寒手足厥冷脈絕吳茱萸散方

吳茱萸二兩湯浸七遍焙乾炒 當歸壹兩 桂心兩

白芍藥兩 細辛兩 木香兩 甘草壹分炙

右件藥搗篩為散每服三錢以水一中盞

入生薑半分煎至六分去滓不計

時候熱服

治霍亂身體疼痛四肢逆冷服理中 不

效者宜服此方

人參壹兩去蘆頭 附子二兩炮裂去皮臍 白芍藥一斤桂

心二兩 當歸一兩炮裂 陳橘皮壹兩易浸 白朮壹兩

高良薑壹兩

右件藥搗篩為散每服四錢以水一中盞

入棗三枚煎至六分去滓不計時候熱服

治霍亂嘔吐及下後腹中乾痛手足逆冷宜

服此方

當歸一兩炮裂 乾薑半兩炮裂 甘草半兩炙 人

參壹兩去蘆頭 附子一兩炮裂去皮臍

右件藥搗篩為散每服三錢以水一中盞

煎至六分去滓不計時候熱服

治霍亂吐瀉冷氣攻心腹痛四肢逆冷汗出

方

硫黃兩壹

右件藥細研如麵以熱酒調下壹錢神巧萬全

方每服二錢  
温酒調服

### 治霍亂轉筋諸方

夫霍亂而轉筋者由冷氣入於筋故也足之  
 三陰三陽之筋起於手指巢氏病源足之三陰三陽之筋起於  
人足指手之三陰三並循絡於身夫霍亂大  
吐巢源之後陰陽俱虛其血氣虛極則手足  
 逆冷而榮衛不理冷搏於筋則筋為之轉冷  
 入於足之三陰三陽則脚筋轉入於手之三  
 陰三陽轉隨冷所入之筋筋則轉矣轉者由

邪冷之氣擊動其筋而移轉也

治霍亂吐瀉多從心神煩躁及轉筋不止雞

### 舌香散方

雞舌香三分木瓜壹兩人參壹兩去頭陳橘皮

壹兩湯浸香葉三分桂心半兩厚朴壹兩去生薑

去白麵令香熟

右件藥搗篩為散每服三錢以水壹中盞

入生薑半分煎至六分去滓不計時候熱

服

治霍亂吐利轉筋疼痛欲入腹者宜服高良薑散方

高良薑三分 桂心三分 木瓜二兩 肉苳蔻壹兩

去陳橘皮壹兩湯浸  
散陳橘皮去白瓢焙

右件藥搗篩為散每服三錢以水一中盞

煎至六分去滓不計時候熱服

又方吳茱萸牛兩湯浸 甘草牛兩炙 桂心壹兩

乾薑壹分炮 麥子壹分

右件藥搗篩為散每服三錢以水一中盞

煎至六分去滓不計時候熱服

又方高良薑三分 甘草半兩炙 陳橘皮一兩

去白木瓜二兩 人參壹兩 白朮三分 厚朴壹兩

一兩去蘆皮全生  
薑汁炙令香熟

右件藥搗篩為散每服三錢以水一中盞

煎至六分去滓不計時候熱服

治霍亂吐瀉後轉筋草苳蔻散方

草苳蔻壹兩 高良薑一兩 丁香一兩 白朮壹兩

去皮 陳橘皮壹兩湯浸 縮沙一兩 人參壹兩 去白



甘草 半兩炙 木瓜 二兩乾者

右件藥搗細羅為散不計時候以熟生薑湯調下二錢

治霍亂吐利不止兼轉筋方

棠梨枝 握一 木瓜 二兩

右件藥細剉和勻分為四服每服以水中盞入生薑半分煎至六分去滓不計時候熱服

治霍亂吐利過多徧身筋轉及心腹痛方

高良薑 半兩剉 桂心 壹兩 木瓜 二兩乾者

右件藥搗篩為散每服三錢以水盞中盞煎至六分去滓不計時候熱服

治霍亂吐瀉轉筋方

木瓜 一枚大者四破 倉粳米 壹合

右件藥以水二大盞煎至壹盞半去滓時時溫壹合服之

治霍亂脚轉筋方

桂心 二兩 木瓜 二兩乾者 烏梅肉 二兩

右件藥搗篩為散每服半兩以水壹大盞煎至五分去滓溫服日三服

治霍亂瀉後脚轉筋方

木瓜二兩生薑兩半吳茱萸壹分湯浸七遍焙乾微炒

右件藥細剉以水二大盞煎至壹盞二分去滓分為三服頻頻服之

治霍亂轉筋不止宜用此方

高良薑五兩木瓜二枚川椒二兩

右件藥細剉以水二斗煎三二十沸去滓

入醋壹升於桶內看湯緊慢淋蘸水冷便止以絛衣裹勿令傷冷

治霍亂脚轉筋方

附子三兩炮裂三兩川椒三分葱根鬚三握白礬三兩去皮臍

垂柳三握桃枝三握生薑壹兩磨以綿裹繫在脚心下

右件藥以水三斗煎三二十沸已來看冷暖淋多時為妙如急即加醋五升同煎用之

治霍亂轉筋不止方右用醃醋三二升煎五

七沸看緊慢用故懸浸醋裏患處微冷即

換之錄同勿令傷冷○聖濟總錄治霍亂

轉筋苦酒絮裏足方用後方壽域神方若

者苦酒壹升右取衣絮內苦酒中煮令濕

從轉筋處裹之神方一方云治轉筋取故

懸以好醋浸甌中蒸及熟用懸裹病人脚

如冷更易勿停衛生易簡方同

又方右用木瓜及枝根煮湯頻服之錄同

又方陳橘皮二兩湯浸去白瓤焙

右以醋漿水壹大盞煎至五分去滓稍熱

頻服

又方鷄屎白一分微炒

右以水壹中盞煎至五分去滓溫服勿令

病人知○肘後方若轉筋入腸中如欲轉

者取雞矢白一寸水六合壽域神方雞白

煮三沸頓服之勿令病者知之聖濟總錄

治霍亂轉筋入腹或腹中如欲轉雞白湯

方雞糞白炒壹右一味搗為麤末每服二

錢七以水七合煎三沸去滓頓服勿令病人知金匱方轉筋之為病其人臂脚直脉上下行微弦轉筋入腹者雞屎白散主之雞屎白右壹味為散取方寸匕以水六合和溫服

又方肘後方壽域神方若轉筋入腸中如欲轉者右燒編薦索灰

研三指撮以熱酒調服之差

又方肘後方若轉筋入腸中如欲轉者右用釜底墨末煖酒

調下二錢頻服之

又方桂心壹兩半夏壹兩湯洗

右二味擣羅為末每服煎生薑酒調下一

錢如人行十里再服○肘後方若轉筋方

桂半夏等分末方寸匕水一升和服之差

又方右燒蜈蚣研為末醋調成膏磨轉筋處

○肘後方若轉筋方燒蜈蚣膏傳之即差

又方右以醃醋和米粉摩塗轉筋處

又方赤蓼莖三兩

右分為三服每服以水壹中煮煎至六分

去滓稍熱頓服○肘後方治肝虛轉筋用

赤蓼莖葉切三合水壹盞酒三合煎至四

合衛生易簡方水三去滓溫分二服

又方生薑壹兩拍碎

右以酒壹大盞煮至六分去生薑稍熱服

之○聖濟總錄治霍亂轉筋入腹欲死生

薑酒方生薑五兩右一味用無灰酒壹升

煎取八合頓服便差瑣碎錄轉筋方凡轉

筋入腹疼欲死者生姜壹兩擘碎酒五盞

煮濃頓服經驗秘方同袖

治脚轉筋方

木瓜末一

右以酒一升煎三七沸溫溫服之

大全本草

銅盆土炭霍亂可盛灰厚二寸許以炭火安

其上令微熱下以衣藉患者腹漸漸熨之

腹中涌熱差

經驗方治霍亂取鍋底墨煤少許只半錢已

下又於竈額上取少許以百沸湯壹盞投  
 煤其中急攪數十下用椀蓋之汗出通口  
 微呷壹兩口吐瀉立止  
 陳藏器云藍實浸汁和生薑煮服止霍亂真  
 者入用假者不中

陳藏器云胡麻鞋底燒令赤投酒煮粟穀汁  
 中服之主霍亂轉筋

圖經曰治臂筋急亦以白酒和桂塗之  
 梅師方治霍亂轉筋皂莢末吹壹小豆入鼻

中得噎便差

外臺秘要必效治上吐下利者為濕霍亂黃  
 牛屎半升水壹升煮三兩沸和牛屎濾過  
 取汁服半升則止黃子尿亦得

圖經曰梨葉主霍亂吐下煮汁服  
 唐本注云粟類多種或呼為粢粢則是稷稷

乃稜音之異名也其米泔汁主霍亂卒熱  
 心煩渴飲數升立差臭泔止消渴尤良  
 陳藏器云泔主霍亂新研米清水和濾取汁

服亦主轉筋大腹胃冷者不宜多食酸汁  
 洗皮膚瘡疥服主五野雜病及消渴下澀  
 酸者殺蟲及惡瘡和臭樗皮煎服主疝痢  
 樗皮壹名武目樹  
 孟詵云霍亂後吐逆不止清水研稻米壹椀  
 飲之即止

圖經曰唐韋宙獨行方主霍亂乾嘔不息取  
 薤壹虎口以水三升煮取半頓服不過三  
 作即已又卒得胃痛差而復發者取薤根

五斤情絞汁飲之立止

陳藏器云蘇方木主霍亂嘔逆及人常嘔吐  
 川水煎服之破血可用酒煮為良

三囚方

霍亂外因證治

諸惡風惡寒有汗無汗重著煩毒皆外所因  
 蓋傷風則惡風有汗傷寒則惡寒無汗冒濕  
 則重著傷暑則熱煩此雖常論揮霍之間倉  
 卒不辨遂致錯誤亂經反常為害不淺豈止

本為霍亂今是傷寒而已哉當隨外所因治之乃可

理中湯治霍亂吐下脹滿食不消心腹痛○

得効方治惡寒無汗霍亂吐下脹滿食不消

心腹痛胸膈痞塞或昏暈緩弱

人參得効方去蘆 乾薑炮 白朮得効方去蘆 甘草炙

三兩

右為剉散每服四大錢水壹盞煎七分去

滓食前遠行防霍亂煉蜜和丸如梧子大

每服三五十丸如作散每服方寸匕酒調

下亦得若轉筋者加石膏三兩神功萬

若臍上築者腎氣動也去朮加桂心四兩

腎惡燥故去朮恐作奔豚故加桂吐多者

去朮加生薑三兩下多者復用朮悸者加

茯苓二兩渴欲得水加朮合前成四兩半

腹中復滿得効方加人參合前成四兩半若寒

者加乾姜合前成四兩半腹滿者去朮加

附子服藥後食頃食熱粥一盃微自溫覆



勿發揭衣被噦則加丁香吐利止身體痛不休者審其元因以和解之如初因傷風用桂枝之類所謂治有本也○澹寮方治過食生冷或飲寒漿致成霍亂吐下心腹脹滿或致刺痛人參甘草炙乾姜炮白木炒四味各一兩或減甘草右剉散每服四錢水壹大盞煎至七分去滓溫服不拘時候若臍上築者腎氣動也去木加桂一兩吐多者去木加生姜半夏各半兩利多者復用木心悸

者加茯苓壹兩渴者倍用參朮嚴氏濟生方倍朮壹兩腹痛者倍乾姜濟生方倍乾姜壹兩腹滿者去朮加附子厚朴各半兩病退而不食者加白荳蔻橘紅麥蘖各半兩體痛不休審其病源猶當解表或可用桂枝湯聖濟總錄治霍亂吐利不止人參白木各三兩甘草炙乾薑炮各二兩右四味麤搗篩每服五錢匕以水一盞半煎取一盞去滓溫服若胃滿腹痛吐下者加當歸二兩切焙厚朴二兩去麤

皮薑汁炙透王氏集驗方治霍亂吐瀉手足厥冷自汗白朮人參乾薑甘草右等分  
吹咀每服四錢水一椀半煎至一椀溫服  
脈微病盛者加附子名附子理中湯又霍  
亂吐瀉病劇者以塩實臍中大艾灸壹百  
壯仍服前藥醫方大成治中寒霍亂嘔吐  
方見諸寒門○醫方集成  
南北經驗方袖珍方同 玉機微義治過  
食生冷遂成霍亂吐下脹滿食不消心腹  
痛方見諸寒門加橘皮名橘皮治中湯嚴氏曰

若臍上築動者腎氣動也去朮加桂吐多  
者加朮加生姜半夏利多者仍用朮心悸  
者加茯苓腹痛者加乾姜腹滿者去朮加  
附子厚朴

外因料簡

凡外所因必自經絡傳入臟腑須以脈證推  
其所因隨經調之則盡善矣假如傷寒在太  
陰經當用四逆湯少陰經當用附子麻黃湯  
厥陰經當用理中湯若在太陽經還用麻黃

湯陽明經養胃湯少陽經小柴胡湯風暑濕  
亦然嵐則桂枝湯暑則香薷飲五苓散濕則  
苓朮湯滲濕湯皆可於諸門隨證檢用不復  
繁引

霍亂內因證治

諸大喜傷心則氣散大怒傷肝則氣激憂傷  
肺則氣聚思傷脾則氣結恐傷腎則氣却驚  
傷膽則氣亂藏氣聚鬱聚結涎飲痞隔不通  
遂致滿悶隨其勝復必作吐利當從外所因

治之

七氣湯治喜怒憂思悲恐驚七氣鬱發致五  
臟互相刑尅陰陽反戾揮霍變亂吐利交作  
寒熱眩暈痞滿咽塞

半夏湯洗五兩○玉厚朴姜製○得効方

桂心各三兩○微茯苓得効方白芍藥

紫蘇葉各二兩○得効方去

人參壹兩○得効方去

右為剉散每服四錢水盞半姜七片棗一

不煎七分去滓空腹服醫方大成集成南

水一盞姜七片棗一枚煎空心熱服微養每服四五錢入姜東煎

胃氣丸治憂思過度脾肺氣閉聚結涎飲留

滯腸胃氣鬱於陰凝寒於陽陰陽反戾吐利

交作四肢厥冷頭目眩暈或復發熱兼治老

人胃寒大便反秘妊娠惡阻全不納食

硫黃不拘多少猪藏內縛兩頭以米泔酒

斷穢氣控半夏湯洗去滑白茯苓人參

各一兩○得石膏壹分煨膏法

右為末生姜自然汁釋炊餅糊為丸如梧

子大每服五十丸至百丸空腹米湯王機

同入少生姜汁下

真珠散治喜怒不常憂思兼并致臟氣鬱結

留積涎飲胃腹滿悶或復疔痛憎寒發熱吐

利交作

附子二介壹生壹半夏湯二十一次洗滑

石成煉鍾乳各半辰砂三錢

右為末每服二錢水二盞姜七片藿香二

參葉蜜半匙煎七分食前冷服小便不利  
加木通茅根煎

不內外因證治

諸飽食膾炙恣飧乳酪水陸珍品脯醢雜穀  
快飲寒漿強進旨酒耽縱情慾不節以胃為  
五藏海因脾氣以運行胃既膜脹脾臟停凝  
臟氣不行必致鬱發遂成吐利當從不外內  
因治之  
紅丸子治脾胃虛冷飲食不節宿食留飲聚

癖腸胃或因氣不調衝冒寒濕忽作霍亂吐

利併作心腹絞痛腸胃纏刺疲茶不勝

蓬朮對三棱列各二兩同以胡椒壹青皮

三兩阿魏壹炒

右為末醋化阿魏入陳米粉為糊丸如梧

子大礬朱為衣玉機微義每服壹百丸至

二伯九煎生薑甘草湯下微義不

胡椒湯治霍亂吐利為佳

胡椒七粒藜蘆三七粒○經驗

右為末煎木瓜湯調下直指方得效方管見大全良方同

○秘方右搗為末新汲水調服不拘時候

經驗良方治霍亂吐瀉諸藥不納菘豆胡

椒各四十粒右研破水煎服如渴研爛新汲

水化服其效如神急救仙方衛牛易簡方同

訶子散治老幼霍亂吐利壹服取效方見心腹痛門

霍亂凡例

轉筋者以陽明養宗筋屬胃與大腸今暴下

暴吐津液頓亡外傷四氣內積七情飲食甜

膩攻閉諸脉枯削於筋宗筋失養必致攣急甚則卵縮舌卷為難治

木瓜湯治霍亂吐下不已舉體轉筋入腹則

問絕

木瓜乾壹兩○澹吳茱萸半兩湯七次○

易簡方茴香一分○澹療方炒微生

各二錢玉機微義壹錢 甘草錢○

澹療方壹分易簡方各半錢右為剉散每服四大錢水壹盞半易簡方

姜三片紫蘇十葉得効方加煎七分易簡方

六去滓食前服得効方仍研生蒜貼心下脚心上○直指

方治吐瀉不已轉筋擾悶酸木瓜醫方大一兩

成二壹分茵香錢炙二吳茱萸半兩盪

○大成右剉散每四錢薑五片急救仙方

姜三紫蘇十葉空腹急煎服醫方美成兩

珍方永類鈞方與大成同

煩渴者以陰陽反戾清濁相干清氣干濁水

與谷併小便祕澁既走津液腎必枯燥引水

自救煩渴必矣

茯苓澤瀉湯治霍亂吐利後煩渴欲飲水

茯苓八兩○得効方赤茯苓去皮澤瀉四兩甘草炙二兩桂

心二兩白朮三兩

右為剉散每服四大錢水壹盞姜三片煎

七分去滓食前服一方有小麥五兩

水浸丹治茯苓暑傷冷冷熱不調霍亂吐利口

乾煩渴

黃丹一兩壹分炒巴豆二十五介去皮心

右同研勻用黃蠟鎔作汁和為丸如梧子

大每服五丸以水浸少頃別以新汲水吞  
下不以時候得効方玉  
機微義同  
衛生十全方

治霍亂上吐下瀉

梓朴去麤皮姜汁塗炙三次用二錢枇杷葉刷去毛姜丁塗炙黃

香藿香已上各壹錢生薑半錢

右並爲麤末水壹碗煎至七分溫服又方  
用胡椒菜豆各四十九粒爲末鹽木瓜湯  
下又方只用局方紫蘇子元細嚼濃煎木

瓜湯下

治霍亂引飲飲輒吐出生薑壹兩高良薑半  
兩同煮濃汁溫服

治霍亂轉筋欲死生薑二兩擣破酒壹升煮  
四五沸溫服仍以皂角末少許吹入鼻中  
得嚏卽差又方以白匾豆葉擣汁飲之卽  
差

神巧萬全方

霍亂



治霍亂吐逆及利并脚轉筋香朴散

厚朴薑汁炙 陳橘皮 人參 白朮 乾木

苾已上各一兩 乾薑炮 甘草炙各二兩

右件搗羅為末每服三錢以水一中盞以

生薑半分煎去滓服

治霍亂吐瀉如神湯方

厚朴二兩去麤皮 高良薑一兩 甘草半兩

右件搗羅為散以新汲水調下二錢素有

冷氣者用溫酒下

治霍亂手足逆冷方

大附子炮 人參 白薑 甘草炙各二兩 木香

三分

右為散每服三錢水壹盞煎六分熱服

治乾濕霍亂及氣發食後心悶肚脹嘔逆紫

蘇丸

紫蘇 桂心 陳橘皮去穢 高良薑各二兩

參一兩

右件搗羅為末煉蜜丸梧桐子大酒下二

十九

是齋醫方

霍亂

回生散治霍亂吐瀉但壹點胃氣存者服之無不回生

陳皮去白去霍香葉去

右等分每服五錢水壹盞半經發良方為末五錢水二

盞煎至七分神珍方咬咀每服壹兩溫服

不拘時候

治霍亂蔣簽判云行在一家專貨此藥

藿香葉 烏藥 香附子炒各半兩甘草二錢半炙

右為麈末水壹大盞煎至七分溫服甚妙

治霍亂大交泰丹見傷寒卷中楊氏方云治

霍亂吐痢輔先生甚奇此藥合以施人

瑣碎錄

治吐

治熱吐臘茶末壹錢生腦子少許研勻百沸

湯點服

諸霍亂方凡霍亂吐瀉白湯浸冷水為陰陽湯飲之

治霍亂吐瀉轉筋以大蒜研炒熟傅脚心差

○是齋醫方脚轉筋獨頭蒜壹箇口嚼一

半於所患腿脚上猛擦壹半用水送下一

時許即愈直指方以生蒜頭研細塗心下

及兩脚心即止經驗良方脚轉筋用大蒜

磨脚心令遍熱即差壽域神方同

霍亂腹痛吐利以楠木煎濃湯服立効如無

楠木得樟木及杉木亦佳

又方蘆葉壹握剉以水一大盞煎至五分去

滓頓服

又醋煮衣絮令徹溫裏轉筋處經驗秘方同

又濃煎鹽湯通手浸手足洗胃脇間經驗秘方同

易簡方

治乾霍亂不吐不下用丁香十四枚為末熟

酒壹大盞調之頓服不瘥再服之

直指方

吐瀉證治

霍香正氣散治霍亂吐瀉通用腹痛者加桂

小便不利者加伏苓方見嘔吐門此藥能溫散

風寒濕氣若暑證加香需

五苓散治霍亂熱多發渴方見水腫門

良薑飲治霍亂神効

良薑 霍香 陳皮各壹兩 甘草炙三分

右剉細每叁錢水煎服

又方霍香葉 良薑 木瓜

右同煎治霍亂水瀉效

治要除濕湯

半夏麩 川厚朴製 蒼朮炒各二兩 霍香葉

陳皮 伏苓各壹兩 甘草炙七錢

右剉散每服四錢薑七片棗壹枚煎服霍

亂瀉而不吐者加桂吐而不瀉者去蒼朮

加桂丁香吐瀉俱作兼腹痛者只加桂

治中湯治飲食居處不節以致霍亂方見嘔吐門

本方青皮陳皮乾薑能散風冷

類聚百十

商

類聚百七

百八

香需剉散治傷暑霍亂方見諸暑門

搥湯法治乾霍亂心腹絞痛欲吐不吐欲下不下先以搥湯壹盞頓服候吐出令透不吐再服續以剉理中湯倍加橘紅與之或霍香正氣散加官桂伏苓倍加枳殼或蘇合香元用枳殼散調下

蘇合香圓方見諸氣門用枳殼壹分木瓜半分煎湯調下治乾霍亂不止不瀉氣痞于中心腹絞痛此證最惡

煇熨方治霍亂吐瀉心腹作痛炒搥二椀紙包紗護頓其背前并腹肚上截以熨斗火煇氣透則蘇續又以炒搥熨其背則十分無事得效方同

嚴氏濟生方

霍亂

薑附湯治霍亂轉筋手足厥冷多汗嘔逆方見諸寒門

右如法煎服利不止加少肉豆蔻 氣乏

加人參

通脉四逆湯治霍亂多寒肉冷脉絕○王氏  
焦驗方治霍亂暴虛氣少肉冷脉微證候危  
篤

吳茱萸炒二兩 附子炮去皮臍壹兩○澹桂

心去皮不見火 通草醫方大成集成南北 細辛

洗去 白芍藥 甘草炙已上 當歸去蘆三

二錢方 右咬咀每服四錢水壹盞酒半盞生薑七

片棗子壹枚煎至七分去滓温服不拘時

候○玉機微義右咬咀每服四錢水酒各

半加生薑煎

香薷飲治夏月伏暑霍亂吐利不止煩悶多

渴方見諸

麥門冬湯治霍亂已愈煩熱不解多渴小便

不利

麥門冬去心 橘皮去白 半夏易包七次 白茯苓皮 白

朮各壹兩○得 人參 甘草炙各半 小麥半

右咬阻每服四錢水一盞半生薑五片烏

梅少許得效方澹煎至八分去滓溫服方

大成集成南北經

管見大全良方

訶子散治老幼霍亂吐利又治心脾冷痛不

可忍

訶子炮去核 草菓仁 乾姜炮 良薑炒 甘草

炙製厚朴 橘紅 神麴炒 麥牙炒 機微義

麴茯苓皮

右等分爲細末每服二大錢水壹盞煎至

七分入塩壹捻溫服如急速入塩壹捻百

沸湯點服亦可

醫方類聚卷之一百七